

ეთიკის კომისიის
გ ა დ ა წ ყ ვ ე ტ ი ლ ე ბ ა
დისციპლინური წარმოების შეწყვეტის თაობაზე

მეხუთე დისციპლინური კოლეგიის შემადგენლობა:

ია გაბედავა - კოლეგიის თავმჯდომარე
არჩილ ჩოფიკაშვილი - კოლეგიის წევრი
ბესარიონ ბოხაშვილი - კოლეგიის წევრი

საჩივრის ავტორი - ე. ლ.

საჩივრის კომისიაში შემოსვლის თარიღი: 19.06.2019

საჩივრის რეგისტრაციის ნომერი: 080/19

საჩივარი შემოტანილია: ადვოკატების თ. ფ.-ის /სიითი N---/ და ბ. ფ.-ის /სიითი N---/ მიმართ

საჩივრის მოთხოვნა: ადვოკატების თ. და ბ. ფ.-სთვის დისციპლინური პასუხისმგებლობის დაკისრება

I აღწერილობითი ნაწილი

1. საჩივრის ავტორის პოზიცია:

- 1.1 საჩივრის ავტორის განმარტებით, მან 2018 წლის 25 ოქტომბერს სამოქალაქო დავაზე მომსახურების მისაღებად მიმართა ადვოკატებს თ. და ბ. ფ.-ებს, გადასცა მათ საქმის მასალები, მინდობილობა და მომსახურების საზღაურის ნაწილი - 100 ლარი. ამის შემდეგ კლიენტს გაუჭირდა ადვოკატებთან დაკავშირება, ვინაიდან ისინი არ პასუხობდნენ მის სატელეფონო ზარებს. საჩივრის ავტორი ითხოვს ადვოკატებმა დაუბრუნონ როგორც მის მიერ გადახდილი თანხა, ასევე დოკუმენტაცია.
- 1.2 2019 წლის 28 ოქტომბერს ე. ლ.-მა განცხადებით მომართა ეთიკის კომისიას და მოითხოვა ადვოკატების თ. და ბ. ფ.-ების მიმართ მიმდინარე დისციპლინური წარმოების შეწყვეტა, ვინაიდან ადვოკატებთან აღადგინა ურთიერთობა და მათ გააგრძელეს საქმისწარმოება.

II სამოტივაციო ნაწილი

3. ფორმალური წინაპირობების შემოწმება

- 3.1 ადვოკატი თ. ფ. არის სსიპ საქართველოს ადვოკატთა ასოციაციის წევრი /სიითი №----/ სამოქალაქო სპეციალიზაციით, ბ. ფ. /სიითი №----/ კი საერთო სპეციალიზაციით.
- 3.3 ე. ლ.-მა ეთიკის კომისიას საჩივრით მომართა 2019 წლის 19 ივნისს.

3.3 სადავო ქმედება განხორციელდა 2018-2019 წლებში. „ადვოკატთა შესახებ“ საქართველოს კანონის 32-ე მუხლის მე-2 პუნქტის საფუძველზე არ არის გასული დისციპლინური დევნის აღძვრისათვის დადგენილი ხანდაზმულობის ვადა - 5 წელი.

4. შემაჯამებელი დასკვნა

საპროცესო კოლეგიას მიაჩნია, რომ ადვოკატების თ. და ბ. ფ.-ების მიმართ „ადვოკატთა დისციპლინური პასუხისმგებლობისა და დისციპლინური წარმოების შესახებ“ დებულების 22-ე მუხლის პირველი პუნქტის „ბ“ ქვეპუნქტის თანახმად, უნდა შეწყდეს დისციპლინური წარმოება.

5. სამართლებრივი შეფასება

5.1 2019 წლის 28 ოქტომბერს ე. ღ.-მა განცხადებით მომართა ეთიკის კომისიას და მოითხოვა ადვოკატების თ. და ბ. ფ.-ების წინააღმდეგ მიმდინარე დისციპლინური წარმოების შეწყვეტა, ვინაიდან ადვოკატებთან მიაღწია შეთანხმებას.

5.2 „ადვოკატთა დისციპლინური პასუხისმგებლობისა და დისციპლინური წარმოების შესახებ“ დებულების 22-ე მუხლის პირველი პუნქტის „ბ“ ქვეპუნქტის თანახმად: „საპროცესო კოლეგია შეწყვეტს საქმის წარმოებას დებულებით გათვალისწინებული საფუძვლებით, ასევე იმ შემთხვევაშიც, საჩივრის ავტორი, უარს იტყვის საჩივარზე (მიმართვაზე)“. შესაბამისად, ვინაიდან საჩივრის ავტორმა უარი თქვა საჩივარზე, ადვოკატების თ. და ბ. ფ.-ების მიმართ წყდება დისციპლინური წარმოება.

III სარეზოლუციო ნაწილი

ეთიკის კომისიამ იხელმძღვანელა ადვოკატთა დისციპლინური პასუხისმგებლობისა და დისციპლინური წარმოების შესახებ დებულების მე-4 მუხლის მე-5-6 პუნქტებით, მე-19-მე-20 მუხლებით, 22-ე მუხლის პირველი პუნქტის „ბ“ ქვეპუნქტით; 31-ე მუხლით, მე-40 მუხლის პირველი პუნქტით და გადაწყვიტა:

1. დისციპლინურ საქმეზე №080/19 ადვოკატ თ. ფ.-ის /სიითი №----/ და ბ. ფ.-ის /სიითი №----/ მიმართ შეწყდეს დისციპლინური წარმოება.
2. გადაწყვეტილების ასლი გაეგზავნოს მხარეებს.
3. საპროცესო კოლეგიის გადაწყვეტილება არ საჩივრდება.

კოლეგიის თავმჯდომარე:

/ია გაბედავა/

კოლეგიის წევრი:

/არჩილ ჩოფიკაშვილი/

კოლეგიის წევრი:

/ბესარიონ ბოხაშვილი/